

永平府志卷之十五

人物志二

列傳中

明

宋宏道樂亭人少值元季隱居不仕講授鄉里家業泊如恬不爲意後明興設科登洪武乙丑進士拜監察御史有聲尋遷河南左參政以衰老乞歸槩書衣裝惟一輓輅而已後起左僉都御史未就年七十餘卒於家

縣志

溫原樂亭人洪武中薦辟入仕歷職勤能官至左僉都御史有聲載一統志

永平府志

卷之十六

列傳

一

李樂樂亭人洪武中貢入太學永樂間拜監察御史有激揚聲遷山東按察司副使卒後有行部者至詢樂得其子茂貧甚捐俸助之俾就塾則其品望可見矣茂正統間貢仕至高郵州知州茂子珏成化間貢任州判

王翺字九臯鹽山人永樂十三年初會試貢士於行在帝時欲定都北京思得北士用之翺兩試皆上第大喜特召賜食改庶吉士授大理寺左寺正左遷行人宣德元年以楊士奇薦擢御史時官吏有罪不問重輕許運磚還職翺請犯贓吏但許贖罪不得復官以懲貪黷帝從之五年巡按四川松潘蠻竊發都督陳懷駐成都相去



八百餘里不能制翽上便宜五事請移懷松潘而松茂軍糧於農隙齊力起運護以官軍毋專累百姓致被劫掠吏不給由爲民蠹令自首毋隱州縣土司徧設社學會川銀場歲運米八千餘石給軍往返勞費請令有罪者納粟自贖詔所司議詳運糧事而遷蠹吏北京餘悉允行英宗卽位廷議遣文武大臣出鎮守擢翽右僉都御史偕都督武興鎮江西懲貪抑奸吏民畏愛正統二年召還院四年處州賊流劫廣信命翽往捕盡俘以還是年冬松潘都指揮趙諒誘執國師商巴掠其財與同官趙得誣以叛其弟小商巴怒聚衆剽掠命翽及都督

李安軍二萬征之而巡按御史白其枉詔審機進止翽至出商巴于獄遣人招其弟撫定餘黨而劾誅諒戍得復商巴國師松潘遂平六年代陳鑑鎮陝西軍民之借糧不能償者覈免之七年冬提督遼東軍務翽以軍令久弛寇至將士不力戰因諸將廷謁責以失律罪命左右曳出斬之皆惶恐叩頭願効死贖翽乃躬行邊起山海關抵開原繕城垣濬溝塹五里爲堡十里爲屯使烽燧相接練將士室鰥寡軍民大悅又以邊塞孤遠軍餉匱緣俗立法令有罪得收贖十餘年間得穀及牛羊數十萬邊用以饒八年以九載滿進右副都御史指揮孫

璟鞭殺戍卒其妻女哭之亦死他卒訴璟殺一家三人  
翱曰卒死法妻死夫女死父非殺也命璟償其家葬葬  
費璟感激後參將遼東追敵三百里事李秉爲名將十  
二年與總兵曹義等出塞擊兀良哈擒斬百餘人獲畜  
產四千六百進右都御史十四年諸將破敵廣平山進  
左脫脫不花大舉犯廣寧翱方閱兵寇猝至衆潰翱入  
城自保或謂城不可守翱手劍曰敢言棄城者斬寇退  
坐停俸半載景泰三年召還掌院事易儲加太子太保  
溥梧猺亂總兵董興武毅推委不任事于謙請以翁信  
陳旺易之而特遣一大臣督軍務乃以命翱兩廣有總

督自翱始翱至鎮將吏讐服推誠撫諭徭人向化部內  
無事明年召入爲吏部尙書初何文淵協王直掌銓多  
私爲言官攻去翱代一循成憲天順改元直致仕翱始  
專部事石亨欲去翱翱乞休已得請李賢力爭乃留及  
賢爲亨所逐亦以翱言留兩人相得歡甚帝每用人必  
咨賢賢以推翱以是翱得行其志帝眷翱厚時召對便  
殿稱先生不名而翱年幾八十多忘嘗令郎談論隨入  
帝問故翱頓首曰臣老矣所聆聖諭恐遺悞令此郎代  
識之其人誠謹可信也帝喜吏部主事曹恂已遷江西  
參議遇疾還翱以聞命以主事回籍恂怒伺翱入朝挫

翔胸摑其面大聲詬詈事聞下詔獄翔具言恂寔病得斥歸時服其量五年加太子少保成化元年進太子太保雨雪免朝參屢疏乞歸輒慰留數遣醫視疾三年疾甚乃許致仕未出都卒年八十有四贈太保謚忠肅翔在銓部謝絕請謁公餘恒宿直廬非歲時朔望謁先祠未嘗私歸第每引選或值名對侍郎代選歸雖暮必至署閱所選惟恐有不當也論薦不使人知曰吏部豈快恩怨地耶自奉儉素景帝知其貧爲治第鹽山孫以廕入太學不使應舉曰勿妨寒士路壻買傑官近畿翔夫入數迎女傑恚曰若翁典銓移我官京師反手爾何往

來不憚煩也夫人聞之乘間請翔翔怒推案擊夫人傷面傑卒不得調其自遼東還朝也中官同事者重翔贐明珠數顆翔固辭其人曰此先朝賜也公得毋以贓卻我乎不得已納而藏焉中官死召其從子還之爲都御史時夫人爲娶一妾逾半歲語翔翔怒曰汝何破我家法卽日具金幣返之妾終不嫁曰豈有大臣妾嫁他人者翔卒妾往奔喪其子養之終身李賢常語人曰臯陶言九德王公有其五亂而敬擾而毅簡而廉剛而塞強而義也然性頗執嘗有詔舉賢良方正經明行修及山林隱逸士至者率下部試翔黜落百不取一二性不喜

南士英宗嘗言北人文雅不及南人顧質直雄偉緩急當得力翱由是益多引北人晚年徇中官郭聰囑爲都御史李秉所劾翱自引伏蓋不無小損云子孫世官錦衣千戶

明史

按王忠肅本灤州人入鹽山籍今從灤志載之

王銳遷安人正統己未進士由知縣歷官都御史任事有擔當不爲勢怵巡撫延綏值叛兵構亂銳率衆討平之敘功廕子世襲錦衣衛百戶

趙玉遷安人正統甲子舉人初知山東高唐州陞漢中知府並著治績致仕居家十年平心率物鄉人推重焉祀

永平府志

卷之十六

列傳

五

鄉賢

史怡樂亭人永樂甲申貢入太學時遼軍亂入關怡守城有功授戶部郎中歷任江西左參政載明一統志

劉宣江西吉安人成盧龍衛以春秋應景泰元年鄉試侍講劉鉉主考定爲第一人同考者欲更其次鉉爭曰朝廷立賢無方不可乃止次年殿試第二甲授編修累官至南京工部尙書名德爲時所推重

杜謙字益之昌黎人幼失恃事繼母甚謹不拂父意登景泰進士授主事以姚夔薦出爲浙江布政司入尹京兆拜工部侍郎致仕歸謙居官善理事平易明決民懷吏

畏時定賦役等第按察使欲增損其則而盡貸無產之家謙以此輩皆游民而令賦役獨歸力穡之農非重本抑末之意卒從謙議歲禮特奏免田租若干舊有起運存留之數戶部以起運者不可免而止免存留者謙言若然則一省官俸軍餉俱乏矣二者必增損之乃可執奏不已朝廷從之子源亦第進士官至青州府知府陳恕字達道灤州人景泰舉人仕至開封府同知折獄立斷吏不敢近案一語河汴屢決請發帑羨躬督築塞保全腴田數百頃考滿乞歸送者塞路行李蕭索有司重其廉有贈遺卽市鐵鑄文廟祭器居鄉謹厚喜怒不形

永平府志

卷之十六

列傳

六

恤災贍孤以純德稱

畿輔通志

唐福東勝左衛世襲指揮中景泰庚午舉人孝友慕義歷知隨濱通三州有清白聲嘗鑄祭器以供聖祀加四品服俸九年考滿陞萊州知府未任卒祀鄉賢盧龍縣志周斌昌黎人登景泰辛未進士授御史劾忠國公石亨曹吉祥諸不法事調江陰知縣多惠政擢開封知府未幾轉陝西參政軍民遮道攀留白於提學副使劉昌記其遺愛立石頌德官至湖廣布政使

閻鼎字仲輔灤州人登景泰甲戌進士授監察御史巡按兩浙劾權橫清鹽鑛風紀甚嚴人以閻羅目之謫廣西

李南主簿陞山東諸城知縣操履一致卒于官著有遺  
菴集祀鄉賢

萬信昌黎人以明經任開封府知府有異政祀鄉賢載明  
一統志

張泰樂亭人景泰間貢入太學授桐鄉知縣時桐鄉新闢  
諸所未備泰至經營三載六事修舉民不告勞俗多木  
火泰泰禁之購地置義塚他如闢茅塞覈兼并招商賈  
皆可紀焉九年薦有成績陞開封府通判見桐鄉志

牛本樂亭人景泰丙子舉人授九江府同知素性謙恭涖  
官廉慎有惠政九年將代郡人赴部保留擢本府知府

永平府志

卷之十六

列傳

七

縣志

王貴昌黎人以明經授蘇州郡丞陞慶陽知府有德望祀  
鄉賢

盧敬其先山陽人徙定州元時又徙樂亭高祖和甫致和  
間聞于鄉父斌生敬嗜學領成化乙酉鄉薦授兵部司  
務侃侃不阿冰操凜著五載考最進階嘗語其子梁棐  
輩曰世有營利者爲子孫計耳竟何益吾厄一第子孫  
必有第者若曹勉之丁外艱卒家業蕭然仲子梁歲貢  
不仕以子貴封右參議

鄭巳字克修山海衛人天性穎敏成童克邑弟子員屬儷

句輒驚人。家甚窘，刻意向學。寒夜燃薪誦書，達旦用是博極羣書。登成化丙戌進士，選庶吉士。時劉文安公典教習，每閱已文，歎曰：「山海乃有此子。」改監察御史。會廷推撫臣，弗當抗章論之。又累疏指摘輔臣及中貴，由此人多忌已者。巡按陝西，值甘涼災沴，邊境騷乃止。匡時圖治等疏，得舉賑濟，飭邊備。時有勲貴親弟怙勢凌下，監司莫敢問，捕而杖之，幾死。竟被累謫戍宣府。其鎮總戎雅敬已，館諸佛宮。士人受學者，日衆。有黠卒怨總戎，誣以不道事，累已繫闕。下上白其誣，放歸。孝宗踐祚，詔復其官。已亮節有氣，嫉惡如仇。家居時談世事不平，去罷歸。纂府志。

永平府志

卷之十六

列傳

八

者輒攘臂憤惋，至面詰人，罔避。以是弗亨于官云。

張廷綱字朝振，永平衛人。登成化壬辰進士，授行人。賜一品服，使安南。回，太監汪直執送西廠獄，未幾，廠革，各散去。罷歸。纂府志。

郝隆字景昌，自汴徙灤中。成化壬辰進士，初官大理評事，歷左寺副，右寺正。時江南有大獄逮者及萬人，公奉命往勘，立決。擢金華知府，爲政寬平，積穀數萬石，備荒通濟橋燬，奮力修之。在任九載，致仕歸。進階亞中大夫。

州志

蕭顯字文明，別號海釣，山海衛人。登成化壬辰進士，授兵



科給事中有武臣連中貴張大邊功希重賞顯批奏尾  
駁之直聲振一時會巫矯邪神煽惑復抗章劾之並請  
禁私創庵觀言極剴切留中不報一日召至左順門命  
中官面詰顯氣定語暢應對了了乃諭遣之又數日巫  
逐矣權倖愈疾顯居省中八年外遷鎮寧同知命下顯  
方對客作草書手閱報付其子趣治裝仍終數紙乃罷  
涖鎮寧八年復遷衢州府同知又三年擢福建僉事所  
至皆盡心職業無厭薄意隨賚萬壽表入賀時刑部尙  
書白昂欲有所薦戚友亦樂爲之援不復顧戀竟乞休  
歸顯性醇篤不妄言笑尙義氣久而弗渝所著有海釣  
永平府志

卷之十六

列傳

九

集鎮寧行稿其書法沉着頓挫傳播朝鮮珍重之

謝綱字廷憲灤州人登成化壬辰進士素以孝友稱任上  
虞知縣涖政慈祥明決有質者一判兩服卒于官民皆  
望柩而哭祀鄉賢

李時其先鳳陽人有御史公謫爲盧龍民子從義以靖難  
功爲永平衛中所試百戶五世至凱凱生時父產悉讓  
諸兄獨養老母中成化丁酉舉人知岢嵐州八年廉平  
多惠政民俗因財退婚曲爲解諭完聚吏卒鰥者捐俸  
備禮以配之論財之俗爲變陞漢中府同知在任六年  
陞知平涼府持守不渝忤逆瑾改思州府又誣以前任

渾藏不明落職追問踰年乃白補恩軍民府行至南寧中瘴癘卒于塗二子充濁充拙

三和遷安人登成化戊戌進士歷南北道御史論劾戶部尚書張鳳西廠太監汪直聲動朝野外轉山東海道副使巡海中瘴卒于官生平廉介剛直卒之日貧不能殮同官爲哀金致賻始得歸葬祀鄉賢

璉字潤之灤州人登成化戊戌進士性方嚴謙退篤孝反躬墳典試南官不第進太學聞見閱肆及登第尹臨邑勤政廣積值歲大祲民多濟活暇卽試士請業門下者多登仕籍焉三載政成遂罹疾卒時囊無數金幾不

平府志

卷之十六

列傳

十

能殮祀鄉賢

馮清字士潔灤州人親喪廬墓三年于植松栢百餘株踰年繁茂里人歎異登成化癸卯鄉薦爲郟縣令慈義兼施獄有寃囚力爲詳豁後持金馬以酬揮之不受曰滌爾寃者國恩也何謝時以廉孝先生稱之

郭鏞遷安人登成化甲辰進士授金華推官平反詳允郡無寃獄倡修通濟橋用資利涉考選授御史巡按宣大遼東糾劾權貴綽有直聲轉山西副使督修邊墻節省糧耗軍民稱便勞瘁卒于官時稱清介崇祀鄉賢

高謙字天益灤州人登宏治癸丑進士性剛直不苟父早

卒力本勤學事母不曠定省撫弟詳甚友愛初拜丹陽令邑庠隘乃拓學基崇殿廡講授經術又建津梁創倉宇議賑貸百度維新士人勒碑頌之陞青州同知轉刑部郎中陞平涼知府未幾調鞏昌逾月而卒祀鄉賢李金遷安人宏治進士官戶部員外郎有貴戚誣占民田勘寔歸田於民孝廟奇之書名殿壁擢知德安府賑饑節冗白疑獄平劇盜周濂等以神明稱歷任山東副使道次子涵官布政使

畿輔通志

王春撫寧人登宏治丙辰進士授翰林院檢討侍壽王講出邸遷春左長史日以善道開悟有所陳對必云尊天

永平府志

卷之十六

列傳

十一

子守祖宗法度孝宗嘉之賜正四品服庚申改周府左長史王在幼冲啟迪如在壽邸將婚汴之巨室有賄謀爲元妃者春發其奸別選當嗣爵庶兄託內使行金錢于春謀奪嫡春正色叱之遂寢乙亥王以春輔道勤勞奏加三品服庚寅力求去嘉靖丙申卒

任惠字濟民灤州人登宏治丙辰進士授行人兩使周藩考績有聲遷南京吏科給事中以彈劾太監高鳳革爲民後起山東僉事未任卒崇祀鄉賢

王蕃字邦憲灤州人登宏治丙辰進士由博士陞御史立朝謇諤不容人過嘗劾逆瑾彈媚臣陳晦等專勅切責

移疾歸里幾數十年起守平涼又以中忤罷歸有雪崖詩集

朱鑑字緝熙其先揚州海門人永樂二年遣富戶實北邊遂僑居盧龍之北鄉從遷者八戶因名其地曰八家寨始祖自名再傳至善生有卽鑑父天性孝友坦直積粟三千斛嘗貸媼隣不取息鑑登宏治己未進士授刑部主事正德中劉瑾擅政舉朝獻媚者十之九鑑處之坦然正直不阿陞員外郎中出爲建寧知府居官嚴明果斷不受囑託郡人有神明之頌以母憂歸服闋補青州府知府在任五載其治如建寧致政還家村居不事交

永平府志

卷之十六

列傳

十三

接居左建一小樓門前有井婦女非裙裳不敢至井汲水里中皆以禮自制嚴憚之如王彥方云子三伊廩生似早卒侶以貢生爲肥城訓導

李炫遷安人幼而好學冬夏兀坐一室登宏治己未進士歷甘肅行僕卿河西叛將煽亂炫匿民舍中示方畧而戢之事平誣執甚衆炫讞鞫多全活致政二紀課子耕讀足不至官府

王翊字汝溫永平衛人登宏治己未進士授兵科給事中督工泰陵中使董役者剝削軍士伐近陵山木代薪以規利劾之伏辜陞工科左給事中徽州有豪族爭訟數

年不決命勘遂得情改御史覈應天諸郡公藏知府某不職懼得罪密以金餽卽發其贓私罷之陞刑科都給事中武宗鋪宮奏省費數千金以濟邊餉陞順天府丞歲荒餓殍載途竭力賑活甚衆陞都察院左僉都御史提督雁門等關兼巡撫山西裁宗室驕橫以法權要規鹽利者峻拒之闔境肅然會敵分路入寇督兵禦之寧武關將吏以逗留失利劾其罪械繫京師因自劾并三邊撫臣俱左遷尋降浙江左叅議豪民有匿租數十載躬履畝得數百頃爲公稅孝豐有作亂者遠近騷然衆議調兵勦之請先往至卽解散陞河南右叅政分守南

陽捕浙川礦賊乃別脅從若干值盛寒多凍餓死悉活以粥遣之陞左僉都御史巡撫山東擇有司佈各郡審編戶則以均徭役王師討逆濠道經齊魯籌芻糧供億兵皆無敢犯者及六飛南幸有司預集夫役數萬候境上疫作且乏食第令及期無誤悉散歸活者不可勝計鎮守指以供御大肆科索珙正色責之欲擊以笏乃止陞右副都御史巡撫陝西秦中宗室蕃衍祿每不給爲有司累令多方務積折補其數上下稱便河湟黠寇欲南下牧馬督固原將士嚴兵禦之遂遁歸畧無所失邊民安堵陞南京大理寺卿擢兵部右侍郎卒賜祭葬于

城東蓮花源之原崇祀鄉賢子二長道平廕國子生  
王輔字良佐灤州人登宏治己未進士授行人兩使封藩  
陞南京監察御史遷河南副使時逆瑾向所司索天鵝  
絨布千疋無則折價各府歛解八萬兩輔曰此民膏血  
我甘鼎鑊不可從發回給民瑾因假會審鄧丙事謫輔  
陽城縣知縣遷戶部主事歷員外郎中復陞河南副使  
以疾乞休鄉人稱爲長者祀鄉賢

魯鐸撫寧人登宏治壬戌進士授岳州推官陞大理評事  
會逆瑾擅權有黨繫獄鐸忤瑾竟抵罪謀中傷自分必  
死乃以他事謫河內縣丞瑾事敗轉沂水縣令陞刑部

永平府志

卷之十六

列傳

齒

主事歷官至山東按察司分巡海道爲人執法不阿遠  
人服之

陳勳遷安人宏治壬戌進士勤儉明敏歷曹濮彬桂兵備  
副使每臨陣躬親督帥斬獲甚衆崇祀鄉賢

翟鵬字志南撫寧衛人正德三年進士除戶部主事歷員  
外郎中出爲衛輝府知府調開封擢陝西副使進按察  
使性剛介歷官以清操聞嘉靖七年擢右僉都御史巡  
撫寧夏時邊政久弛壯卒率占工匠私役中官家守邊  
者竝羸老不任兵又番休無期甚者夫守墩妻坐鋪鵬  
至盡清占役使得迭更野鷄臺二十餘墩孤懸塞外久

棄不守鵬盡復之歲大稔請於朝以請鵬入山西內地兵部請遣大臣督軍儲因薦鵬乃起  
坐劾總兵官趙瑛失事爲所訐奪職歸二十一年八月遂  
官整飭畿輔山西河南軍務兼督餉鵬馳至俺答已飽  
去而吉囊軍復寇汾石諸州鵬往來馳驅不能有所  
寇退乃召還明年三月宣大總督樊繼祖罷除鵬兵  
右侍郎代之上疏言將吏遇被掠人牧近塞宜多  
祿殺降邀功者宜罪寇入官軍邊敵雖無功竟願  
考當錄若賊衆我寡奮身戰雖有傷折未至殘生民者  
罪當原於法俘馘論功損挫論罪乃有摧鋒陷陣不

斬首而在後掩取者反積級受功有遠巡觀望卒苟全  
而力戰當先者反以損軍治罪非戎律之平帝皆從其  
議會有降人言寇且大入鵬連乞兵餉帝怒令革職閒  
住因罷總督官不設鵬受事僅百日而去其年七月俺  
答復大入山西縱掠太原潞安兵部請復設總督乃起  
鵬故官令兼督山東河南軍務巡撫以下竝聽節制鵬  
受命寇已出塞卽馳赴朔州請調陝西薊遼客兵八支  
及宣大三關主兵兼募土著選驍銳者十萬統以良將  
列四營分布塞上每營當一面寇入境游兵挑之誘其  
追諸營夾攻脫不可禦急趨關南依牆守邀擊其困歸

帝從之鵬乃浚壕築垣修邊牆三百九十餘里增新墩二百九十二護墩堡一十四建營舍一千五百間得地萬四千九百餘頃募軍千五百人人給五十畝省倉儲無算疏請東自平刑西至偏關畫地分守增游兵三支分駐雁門寧武偏關寇攻墻戍兵拒游兵出關夾攻此守中有戰東大同西老營堡因地設伏伺寇所向又於宣大三關間各設勁兵而別選戰士六千分兩營遇警令總督武臣張鳳隨機策應此戰中有守帝從其議且命自今遇敵逗遛者都指揮以下卽斬總兵官以下先取死罪狀奏請先是鵬遣千戶火力赤率兵三百哨至

豐州灘不見寇復選精銳百遠至豐州西北遇牧馬者百餘人擊斬二十三級奪其馬還未入塞寇大至官軍饑憊盡棄所獲奔鵬具實陳狀帝以將士敢深入仍行遷賞舊例兵皆團操鎮城聞警出戰自邊患熾每夏秋間分駐邊堡謂之暗伏鵬請入秋悉令赴塞畫地分守謂之擺邊九月間還鎮遂著爲令二十三年正月帝以去歲無寇爲將帥力降敕獎鵬賜以襲衣至三月俺答寇宣府龍門所總兵官卻永等却之斬五十一級論功進兵部尙書帝倚鵬殄寇錫命屢加所請多從而責效甚急鵬亦竭智力然不能呼吸應變御史曹拜輔嘗劾



鵬鵬乞罷弗允是年九月薊州巡撫朱方請撤諸路防  
秋兵兵部尙書毛伯溫因併撤宣大三關客兵俺答遂  
以十月初寇膳房堡爲郤永所拒乃於萬全右衛毀墻  
入由順聖川至蔚州犯浮屠峪直抵完縣京師戒嚴帝  
大怒屢下詔責鵬鵬在朔州聞警夜半至馬邑調兵食  
復趨渾源遣諸將遏敵御史楊本深劾鵬逗留致賊震  
畿輔兵科戴夢桂繼之遂遣官械鵬而以兵部左侍郎  
張漢代鵬至下詔獄坐永戍行至河西務爲民家所窘  
告鈔關主事杖之厥衛以聞復逮至京卒于獄人皆惜  
之初鵬在衛輝將入覲行李蕭然通判王江懷金遺之

鵬曰豈我素履未孚于人耶江慙而退其介如此

明史

王念遷安人副史和之子登正德辛未進士部使欲爲立  
坊念以民貧謝寢之事母孝謹盡以先業畀兩弟知九  
江府修復廢毀民不病役在程蕃奏開貢額使知向化  
居鄉廉靜足跡不入公府平居鼓琴遊吟居喪用家禮  
士大夫化之崇祀鄉賢

王道中撫寧人登正德甲戌進士授安慶府推官太湖人  
多避差有一人至縣卽令賠納蕩產傾家民苦最甚中  
親詣其地婉曲曉諭止令辦納已賦民甚稱便揚州知  
府孫某者爲御史張士隆劾奏贓私巨萬朝廷遣給事

中王俊民同御史陳傑會勘久之未決中一勘輒明時宸濠之變餘黨未盡當事者往往以平民誣作奸細收捕甚寃中查有賊仗旗幟止坐四人餘三百餘人盡釋之庚辰陞刑部主事嘉靖癸未轉員外郎甲辰陞鴻臚寺右卿旋轉左卿十二年侍經筵敬謹如一乙未改大理寺右卿乙亥陞順天府尹辛亥卒著有黃齋集

廖自顯字德潛廬龍衛人家貧力學以廉耻自持登正德辛巳進士知潁上縣賑饑活數萬人陞御史視通州倉革中官監收弊按宣大劾鎮將科歛及殺降冒功山西巡撫與叅議以小嫌爭忿劾罷之嘉靖庚寅鎮守建昌

永平府志

卷之十六

列傳

六

太監缺疏請裁革遂更遊擊將軍一時稱便出按山東巡撫邵錫清德藩軍校詭冒不從毆府卒乃劾其長史承奉官爲所中錫罷待罪出自顯知汝寧府二載持法不撓罷歸居家二十四年日與故人徜徉東郭蓮池芝壟間有拾燼集放言憫遺集從侄際可進士獻可舉人不急仕進三十餘年銓知卽墨旋垂橐歸亦里中高士云

張文成遷安人正德中以吏員任陝縣典史時流寇猖獗逼城成奮身出戰多所斬獲總督彭公聞其才檄領兵馬六千分路勦殺前後得首級千餘顆汝寧上蔡等路

悉平功加三級邑人爲立祠舉八名宦鄉舉飲賓輿論  
欽服崇祀鄉賢

趙得佑盧龍人御史忠之曾孫三歲失恃長爲諸生遭隣  
人橫逆而讀書自如人服其雅量登嘉靖癸未進士甫  
三月授陝西道御史巡按應天掌南京畿道嚴察蘇松  
等府案牘及糾劾輔臣羣黨側目外轉貴州僉事未幾  
以邊材調遼東再調山西兵備分巡冀南道轉貴州畢  
節道陞山東叅議分守遼海東寧道陞陝西副使備兵  
肅州其在貴州却金而服蠻苗及撫哈密酒泉頌之陞  
陝西行太僕寺卿致仕歷任二十七年以清介終林居  
永平府志

卷之十六

列傳

九

泊然宅第敝甚郡守紀公巡以罰鍰置瓦甍于城扁將  
爲葺之得佑聞而艷然曰得佑薄宦時無敢取一介恐  
虐地方今顧累及桑梓邪壽七十三卒

李涵遷安人按察副使金之子孝事孀母以田產讓弟登  
嘉靖癸未進士爲戶部郎督兌運尙書稱爲廉吏知延  
安府除水患賑饑民備兵肅州修嘉峪城軍民勒石記  
績補貴州兵備洗冤澤物民有天星之謠轉左布政擒  
首惡龍許保等苗民率服崇祀鄉賢

盧耿麒字仁淑樂亭人梁長子年十三入庠過目成誦弱  
冠登嘉靖癸未進士授工部虞衡司主事歷員外郎陞

陝西僉事屯田甘肅給戍牛種丁內艱起補江西僉事  
洗數沉寃陞山西叅議比駐雲中當外叛甫平恩威並  
著卽強藩亦歛戢防邊有運籌功建修五堡世廟賜給  
音有巨鎮賴以永安之褒復丁外艱起補山東叅議陞  
山西副使以疾卒年四十有五麒麟玉立性直方篤孝  
友父產悉讓二弟所居庭前無旋馬地尤博羣書詩造  
唐語著藍山集泄官所至以明敏聞然議論辨博長官  
前亦不少遜終以此取忌焉崇祀鄉賢

趙瑞昌黎人幼有才行于嘉靖壬午舉鄉試授河南伊陽  
知縣居官清介逸興飄然出塵俗負陶靖節操卒無遺

永平府志

卷之十六

列傳

二十

金不能殮人皆痛惜

詹榮字仁甫山海衛人嘉靖五年進士授戶部主事歷郎  
中督餉大同值兵變殺總兵官李瑾總督劉源清率師  
圍城久不下榮素有智畧善應變叛卒掠城中無犯榮  
者外國盜無榮嘗約都指擢紀振游擊戴濂鎮撫王寧  
同盟討賊察叛卒馬昇楊勝無逆志乃陽令寧持官民  
狀詣源清所爲報卒乞原而陰以榮謀告請宥昇麟死  
昇三千金俾募死士自効會源清已罷巡撫樊繼祖許  
之昇麟遂結心腹擒首惡黃鎮等九人戮之榮乃開城  
門延繼祖入復捕斬二十六人錄功擢光祿寺少卿再

遷太常寺少卿二十二年以右僉都御史巡撫甘肅魯  
迷貢使留甘州者九十餘人總兵官楊信驅以禦寇死  
者十之一榮言彼以好來而用之鋒鏑失遠人心且示  
中國弱詔奪信官樞死者送之歸番人感悅踰年以大  
同巡撫趙錦與總兵官周尙文不相能詔榮與錦易任  
俺答數萬騎入掠榮與尙文破之黑山陽進右副都御  
史寇復大舉犯中路叅將張鳳等陣歿榮與尙文及總  
督翁萬達嚴兵備陽和而遣騎邀擊多所殺傷寇乃引  
去代府奉國將軍充灼行剽榮奏奪其祿充灼等結小  
王子入寇謀據大同榮告尙文捕得皆伏辜榮以大同

無險乃築東路邊牆百三十八里堡七墩臺百五十四  
又以守邊當積粟而近邊宏賜諸堡三十一所延日五  
百餘里關治之皆膏腴田可數十萬頃乃奏請召軍佃  
作復其租徭移大同一歲市馬費市牛賦之秋冬則聚  
而遏寇帝立從焉寇入犯與尙文破之彌陀山斬一部  
長榮先以靖亂功進兵部右侍郎又以繕邊破敵累被  
獎賚召還理部事進左尙書趙廷瑞罷榮署部務奏行  
秋防十事已而翁萬達入爲尙書遭母喪榮復當署部  
務辭疾乞休帝怒奪職閒住越二年卒當榮之撫大同  
也萬達爲總督尙文爲總兵三人皆有才畧寇數入不

能得志自後代者不能任寇無歲不入闕邊人益思榮等明年俺答薄京師萬達榮皆已去論者謂二人在寇未必至此萬歷中榮孫延爲順天通判上書訟榮功贈工部尙書予卹如制

明史

王庚字文祥灤州人登嘉靖癸未進士天資純篤寡言笑深易學後進多出其門三爲縣令有廉聲歷遷兵科都給事中慷慨敢言陞山西叅政按察使陝西右布政卒于官祀鄉賢

張智遷安人由明經知遠定縣潔已奉公剋洗奸僞時修理學校政教大行有麥秀兩岐之瑞尋通判黃州民不忍其去爲立祠號清張里人舉祀鄉賢

永平府志

卷之十六

列傳

三

李充濁字澄之時之子嘉靖丙戌進士知葉縣收黃山巨寇民爲立生祠與楚葉公漢王喬爲三令祠擢爲禮科給事中屢上封事陞浙江右叅政改補河南修築隘口自順德界抵山西延亘九百餘里陞陝西按察使辨宦室子弟五人積寃陞河南右布政轉左尋改貴州賑銅仁荒歉活萬餘人募民以備苗變罷歸于城北營萬柳莊結故人爲飲社卒祀鄉賢弟充拙字逸之嘉靖乙酉舉人與兄同榜知陳州俗刁豪滑戀公門恩文檄以擾害鄉民號爲掛搭羅織久莫能去下車訪首罪杖殺之

餘衆悉逃散尋以母憂去補知南通州政平訟理卒于官充濁子瀚字伯通處世闕以謹儉稱由歲貢授郟城縣丞郟稱難治民流稅遁瀚于荒田立官莊捐俸創廬舍三十餘區號爲俸餘官莊買牛給種招集逃民耕墾收穫足公稅及傭值外餘入義倉備賑公私稱便民亦復業銓部廉其賢擢知郟城未踰年辭官歸

韓梅字應元永平衛人嘉靖戊子舉人任大同同知六年廉平多惠有范驛丞死于官妻流落鬻女爲婢梅捐俸贖歸其母居家惇倫睦族鄉黨稱之

高擢字士元灤州人登嘉靖己丑進士由博士陞禮科給

永平府志

卷之十六

列傳

三

事中建言侃侃得名諫議體歷副都御史風裁獨凜奉命提督操江苞苴絕跡晚鑿偏涼汀歸隱卒祀鄉賢

王鎬字宗周灤州人登嘉靖己丑進士擢御史時張桂以言禮柄用鎬獨正色不阿歷都御史撫寧夏屢奏邊功以忤時乞歸卒祀鄉賢

厲汝進字子修灤州人嘉靖戊戌進士授池州推官徵拜吏科給事中湖廣巡撫陸杰以顯陵工成名爲工部侍郎汝進言杰素犯清議不宜佐司空並劾尙書甘爲霖樊繼祖不職不納三遷至戶科都給事中戶部尙書王杲下獄汝進與同官海寧查秉彝馬平徐養正巴縣劉

起宗章邱劉祿合疏言兩淮副使張祿遣使入都廣通  
結納如太常少卿嚴世蕃府丞胡奎等皆承賂受囑有  
証世蕃竊弄父權嗜賄張欲詞連倉場尙書王暉嵩上  
疏自理且求援于中官以激帝怒帝責其代臬解釋命  
廷杖汝進八十餘六十並謫雲南廣西典史明年嵩復  
假考察奪汝進職隆慶初起故官未至京卒祀鄉賢

史

王好學樂亭人臣長子領嘉靖庚子鄉薦嘗試南京父卒  
痛爲肖像及令陳留蠲逋修學擢刺澤州佐歸德在在  
多善政及補太原弭盜祥刑請治宗室驕橫檄撫石州

永平府志

卷之十六

列傳

三四

爲畫戰守之策歷陞戶部郎中督餉昌平時內使往來  
能正色戢之陞楚雄府知府乞休歸著有游藝集與弟  
好問並祀鄉賢

王好問臣仲子生有異兆弱冠抱當世志舉於鄉卽郤餽  
金登嘉靖庚戌進士授太常博士時分宜當權迺泊然  
自守久之方擢御史卽劾巨璫不法嘉靖末出按秦晉  
上興革便宜數事却諸祥瑞不以聞穆宗御極益多獻  
替而重孝思止行幸查內庫諸疏並劾近侍謀典兵柄  
尤極剴切遷大理丞歷通政使晉工部侍郎改刑戶二  
部擢南京右都御史拜南京戶部尙書憂時思職無一



少替南中米涌貴例當改折問遽發倉粟而後以聞詔賑江南不待移文發賑曰奈何稽朝廷意以忍飢民有古大臣風先是爲卿貳時卽抗疏求退至是章屢上始得優允歸數月卒賜祭諭塋贈太子少保天性恬靜自奉澹泊立朝虔恭動由矩矱謙抑折節若不勝衣而內寔毅然不可奪鄉誼族範遐邇共孚所著春煦軒集三十六卷

賈韶昌黎人以明經授瑞安主簿志行嚴謹六載卒于官民感德爲之立祠

郝宗啟字文卿灤州人隆孫嘉靖丙午舉人授博平知縣

永平府志

卷之十六

列傳

三五

陞澤州知州學問深邃事親至孝居鄉勵行涖政有聲祀鄉賢

陳情字子孝灤州人嘉靖丙午舉人天性孝友見事明決隆慶元年令孝義有捍禦保城功後令長葛宿松並著廉明焚紅蓮七祖二百年肉身大得韓退之遺意慮州城武備單弱造大炮十二位神鎗二百桿防守著有五行奕藪行于世崇祀鄉賢

劉復禮字曰仁號任齋山海衛人嘉靖壬子舉人坦易謹飭宰長子縣刺渾源州遷冬官郎守保寧郡歷有異政擢同卿駐寧夏預知悖拜反默爲防備尋丁艱致政歸

依居舊廬泊如也幼以孝聞暮年與季弟同爨每舉箸必呼弟弟他往則不食季弟有子口授而教之亦成明經里人有修郟者質成譬曉之皆愧服

蕭大謙字民服山海衛人僉事顯之孫性質樸雖屢空微不介意遊成均時嘗拾遺金待還其人後領嘉靖壬子鄉薦令懷仁秦安皆耻結納專意實政士民懷其撫字而當道悲其無餽遺竟取忤罷歸行李蕭然至不能充食處之自如年八十有一卒祀鄉賢

王大用東勝衛人登隆慶戊辰進士授扶溝知縣執法無所阿當路衙之左遷東平州判陞滕縣令明習吏事每事必探弊端有大璫進貢折辱驛官索乾沒大用詣郵亭令開篋驗之皆胖襖遣人收捕其解戶于獄大璫甚懼求免其明練肩事類如此陞大理寺評事改戶部郎中歷官遼東陝西叅政

韓應奎號東軒御史季弟爲童子饁田之暇苦志讀書中隆慶庚午鄉試五試南宮始謁選得華陰縣知縣有惠政華人頌之歷蓬萊樂安溫三縣皆以治績聞年未哀卽歸田常以睦族濟人爲念絕不一干有司歲大凶施粥賑饑給裘禦寒邑人德之二子長原濟侗儻不羣仲原潔篤信秉禮並諸生濟子乾業潔子坤業庚午兵變

長與仲偕亡

李安仁興州衛人隆慶辛未進士授武城令調繁興化興地利築河堤剔奸釐弊轉大理評事陞衡州太守威懾豪滑擢湖廣副使告歸

王胤祥撫寧人登隆慶辛未進士任偃城令吏治澄清恩威並著縣前苦水井化甘泉咸謂善政之感行取刑科給事中激揚盡力條陳九邊要務當寧嘉納之因劾江陵奪情外轉河南僉事進四川叅議後轉陝西副使當事特薦者凡二十餘疏以親老力辭杜門終養壽至八旬而終

永平府志

卷之十六

列傳

三七

王槐昌黎人貢生工書翰任中書歷工部左侍郎清慎正直不阿權貴世廟嘉其忠贈祖父如其官

齊宗堯號碣石昌黎人幼穎悟苦志力學年十八遊泮七舉不第乃以歲貢授山西屯留縣丞攝邑篆歲饑流離載途卽爲上閭開倉發粟以賑貧困賴以全活者萬計又寬逋負招流亡復業者五千餘人上官廉其能陞陝西鄜州判官值西戎猖獗堯躬親訓練號令嚴明虜不敢迫還陞屯留邑宰百姓歡呼于道曰吾父母復來矣初屯無通運夫凡有差役比戶而徵民甚苦焉堯屢請各憲令沁州長子兩縣往來通送屯民便之涖屯四載

招撫流亡四千丁墾荒田二千一百頃決獄如神不避  
權勢藩府理問枉殺人歲餘不決兵司稔知堯強幹命  
鞠之堯毅然馳入王府檢屍傷竟寘理問及用刑者于  
法又雪賈姓之奇冤申屈氏之枉坐一邑稱快有土寇  
楊富聚衆三千餘人分掠各邑殺沁州千戶巡撫勒兵  
捕討命堯率官軍二千人先往堯乃屯兵五里外單騎  
入山砦召酋首示以利害賊皆羅拜泣曰天使公活吾  
儕也卽釋甲焚砦以降尋以繁調定襄士民號泣不能  
留請祀名宦不數月陞汾州知州州人畏威懷德豪強  
屏跡隆慶丁卯秋虜犯境堯率素練精兵三千餘人分

城固守又於城下築墻以防衝突三日部分甫定虜衆  
百萬破石州乘勝長馳中外震恐乃令于衆曰汝等父  
母妻子俱在城內當于死中求生否則無噍類矣敢下  
城者軍法從事衆感奮無一人不盡死力者公亦披堅  
持銳躬冒矢石拒敵八晝夜賊知不可破宵遁堯率衆  
追襲斬獲三十五級搜捕城內奸細四十餘人以功奏  
擢河東轉運同知仍攝州事益練民兵造火器積糧餉  
築城池統制劉見而稱之謂雄鎮之兵不如也卒以鯁  
直忤強宗旋卽昭雪調忻州雖遭蹉跌而忠義之心不  
少挫至忻簡戎行陳兵事二十餘條雖不報而邊備已

見施行矣樞省重其名方思大用終以守正不阿力辭解組歸尋以疾卒

劉思誠字性之號定宇山海衛人萬歷癸酉舉人英資卓識廉直公平領鄉薦十餘年毫無請託筮仕平原論編徵賦設法神速隣邑皆效法之遇荒多方拯救理訟稱平黷官後有深壑數科荒落特爲築建五桂祠選俊秀肄業給饌伏臘不輟以是蜚英振起貧生婚葬不舉者捐彙助之招撫流遺蓋官房百餘間于郊外剏立集市墾田十餘頃藉以爲生方春躬行勸農力舉實政遷濟南同知署篆年餘吏請盤庫思誠斥之俸工俱以原封

永平府志

卷之十六

列傳

二十九

出給不除其耗有鹽商犯科以鬻貯銀二千兩冒託餽酒當堂碎鬻解入府庫竟無赦當道議派民徭思誠勃然色變議遂寢終以忤貴拂衣歸事母飯必侍側舊產盡讓弟饒有孝友風平原有生祠入名宦崇正戊辰人鄉賢

韓應庚字希白東勝左衛人世有隱德曾祖文富而好施祖誠益大其業嘉靖中歲屢歉先後貸鄉人粟至二萬石不責其償父廷義生而英敏通百家衆技嘗擒巨寇以靖一方封監察御史三子應庚其長也少勵清操登萬歷丁丑進士授彰德府推官其治務廉明寬厚下車

取沈獄驗問數日間決斷殆盡受領新訟遣當直設竈公署前呼對簿者自炊未及餐而事已判矣平反冤獄無計入爲福建道御史出按甘肅直次祿不俟命卽發倉粟以賑再按山東鋤強豪黜貪墨共出死囚二百六十餘人時年四十七卽引疾歸日與親故徜徉山水間于城南二十里石磯上築室名曰釣臺以圖書花鳥自娛七徵不起從不干有司遇不平事輒爲代白聞者敬信昭雪罔敢後歲甲辰饑輸粟公府而施糜掩骼無虛日又鬻負郭田數百畝以贍郡邑兩庠貧士壽七十有四卒祀鄉賢

馮時泰字虞廷山海衛人幼敏學寒暑不輟登萬歷庚辰進士授工部郎中管節慎庫自能握算覈積弊著聲曹署陞遼東廣寧叅議守正不阿冰蘖矢操築造臺堡大定老軍數十處無不竭盡心力邊警帥不用命失事時泰奉勘畧無纖隱致忤當事坐譴或以苞苴請時泰徐應曰吾蒞官惟清慎二字可揭天日况君父之事烏容規避絕不爲辭尋被逮遼民無不稱冤欲詣闕號鳴總督顧養謙止之乃極爲辯雪有並褫臣職以辨其有功無罪等語具載疏中趙相志臯張相位石司馬星皆交章激切力諍竟不白時泰嘗自嘆曰由來直道忤當權

過貶潮陽路八千一掬忠肝天所鑒幾回血淚洒蠻烟  
竟以疾死獄中

白鑰東勝衛人少穎慧爲郡諸生居家孝弟事兄如父嫂  
如母由國學選南錦衣幕官遷汶上丞執陳友寬等大  
盜置之法鋤馘植良百姓德之無何挂冠世高其恬退  
處鄉恂恂課三子寒暑不輟長珩季璞皆廩生仲瑜登  
萬歷乙未進士歷官刑部尙書另有傳

高第字登之灤州人登萬歷己丑進士初令臨穎徵賦不  
折封卽以原櫃解府力絕耗羨歲大歉賑粥療醫活數  
萬人轉戶曹權泚墅關舊例支河設繩防貨舟欄出第

永平府志

卷之十六

列傳

三十一

日但鑲正關衣帶水足矣何淵察爲一切報罷陞大同  
守捐俸贖補宗祿三千金歷楚秦藩臬擢御史中丞巡  
撫大同費橐七千金助給撫賞尋陞兵部尙書時魏崔  
黨熾璫以提督郭欽求加都督同知叅將梁甫求陞總  
兵矯中旨特授第皆不應揚左被逮榜掠甚慘第經筵  
力陳黨錮宜釋忠賢怒嗾熹宗召對切責之會寧遠警  
遂出第經畧薊遼拜命隨檄道鎮堅壁清野固守而崔  
呈秀銜前恨劾第不發兵爲怯勒令閒住崇正初年詔  
復原官因己巳郡城陷復謫居無棣己卯放還歸里建  
白雲樓爲東山之墅平生湛于理學所著有太極良知

等說撫雲疏稿籟真等集年八十二卒祀鄉賢

朱文運盧龍人侶子萬歷己丑進士任丹陽知縣勵精撫字政簡刑清邑紳大司馬姜公欲改運河于城外以興貿易運恐勞民固執不從後五年考績稱最竟遷南戶部主事時人爲之不平至任六月奉差入都因歸省母卒于家子方九齡宦橐蕭然繼室李氏課子治家不墜先業子濟美廩生孝友篤行庚午之變遂謝功名凡三教六壬醫卜之書無不兼通

王渾然好問子中萬歷辛卯舉人授中府都事歷刑部郎中時南康守吳寶因稅瑞李道誣奏被逮然問擬還職

永平府志

卷之十六

列傳

三十一

上怒得俸三月南康得以從輕徼生光妖言事東省無行老生流言彼中有聞者然恐蔓延無辜解發山東撫按鞠問保全大族甚夥陞馬湖府知府革漆戶板稅修學繕城奢酋爭殺片言力解總督王象乾題擢遵義兵備副使下議時疏請骸骨歸尋卒著蜀遊草

白瑜東勝衛人少英敏博學善詞賦登萬歷乙未進士授庶吉士除刑科給事中上疏請革煤稅降湖廣按察司照磨起歷通政使刑部左侍郎居鄉和雅卒贈刑部尙書

張國祥昌黎人幼失怙恃父昂上元主簿歿遺妾王氏年



十九砥節苦守祥長奉事如禮師邑侯孟秋講學力行不倦後師楊公啟元悟羅近谿性命宗旨由明經任豐潤訓導以身率士士風丕變建魁星樓以培風氣豐庠科甲自此盛焉陞涇源令甦驛弊減雜徭除奸保良罷民再起有畚里曰南川不習文教祥擇其子弟朱際昌勸課讀書力薦入泮以鼓吹送歸里中畚人聚觀者塞山野文教以興及解綬歸囊無長物惟以琴書自娛耕讀課子邑大夫及鄉里推重之尊爲模範數舉鄉賓趙養蔚字青城灤州人萬歷庚子舉人少負經濟畧富甲平灤已巳戒嚴蔚捐貲建城內外炮臺造銳礮數百位

募丁守城費以數萬計時士紳多竄逸獨蔚守孤城矢死勿移傾竭家財犒援師介馬謁樞輔于關門請兵恢復事聞授中書舍人加職方主事以未通籍不肯受官疏請里居大修城池禦侮之具遠近倚重年六旬卒贈尙寶卿祀鄉賢

陳王庭字心龍盧龍衛人登萬歷丁未進士歷太僕寺卿寬厚清謹天啟中矢貞不附魏璫先嘗巡按遼東得將士心遼失收養全活甚多庚午城陷王庭服堊幾死復甦爲黃冠大帥祖大壽張存仁輩皆伏拜牀下報德恐後事平論者議其不死逮獄絕粒而殞

李應奎與州衛人由明經授扶溝訓導值大旱奎積誠祈  
雨立應扶邑立石紀之陞歷城縣教諭適縣令欲于  
文廟坐困收糧奎不許令固不從因嘆曰微末一官職  
不容守尙可戀升斗昧吾心乎毅然掛冠歸年近九旬  
邑侯張公九三素仰奎名歲時存問數舉鄉賓且念其  
貧而無後欲爲贍後計乃笑曰清苦一生將就木矣昔  
閔仲叔不以口腹累安邑吾豈以後事累令支乎不通  
片楮奎初受麟經傳于邑侯白公夏至今遷邑業春秋  
者皆其遺也

韓原善字繼之別號鵬南父應箕字希臯御史之次弟也

永平府志

卷之十六

列傳

三十四

負文武才兼精騎射倜儻尙誼有古俠客風嘗出兩嬰  
孺于劇盜手凡疎族貧交待以舉火者恒數十人構宗  
祠修世墓繕義塾動費不貲無幾微愜色以明經入對  
大廷不仕原善生而穎悟沉酣經史旁及青鳥黃石奇  
門遁甲諸書靡不研究登萬歷丁未進士授青浦縣知  
縣吳淞久塞震澤澱湖之水合流東下民苦昏墊爲請  
賑請蠲平糴設粥不遺餘力而躬行給散卒事無譁者  
他如裁公正均荒絕開津貼甍塘夫清漕兌無不懇惻  
周至邑人尸祝之調繁長洲爲吳郡首邑賦役甲天下  
又當水陸之衝治之獨遊亦有餘縣田一百二十二萬

三千畝自剋立官甲政在鄉紳詭計花分民戶坐困巡撫徐公請均之原善身任怨勞按畝科差增役田三萬一千四百七十頃精于造士是歲中鄉闈者十人五年考最稱廉治窩訪觸忌僅遷戶部郎在縣時父嘗斥產貽之佐廉及轉戶曹父益喜爲能不瘠民以媚當道也旋丁外艱服闋補兵部東事方棘以不次推開元兵備拜命疏陳方畧八款又言召募有六難有四易疏八上遂俞發帑金七萬四千抵關門五十日募官兵一千六百餘名馬六百五十餘騎甫出關而開元報陷乃兼程趨至廣寧先是全遼軍需仰給海運萊津歲運二十萬

卸三俱牛地距遼六百餘里水陸煩費原善冒雪行至海上經畫以登萊海蓋兩道累年會議不決者定泊蓋套歲節費數千金不匝月而完糧二十二萬丁母艱歸屢薦不起卒原善生平孝友性豪爽有遠畧周人之急有如其身所著詩文八卷奏疏二卷尺牘四卷六壬指掌二卷祀鄉賢

張聯奎字輝含灤州人萬歷己酉舉人除彰德司理有張佛之頌以直忤左遷秦臬幕署商州輯流亡多善政尋復理臨洮閱河西五鎮活楊弁孥累百口臨鞏帥以募金三百餉却之再餽珠簾庭責其役而揮去曰奈何免

我邀覃恩贈父如其官以邊才擢慶陽郡守流賊寇城  
單騎諭禍福輒解散因積勞謝病歸僑寓邢臺時給諫  
馮公可賓及臺中交薦不赴邢破配田氏不屈遂遇害  
奎困頓旋里環堵蕭然銜杯嘯歌晏如也年六十有九  
無疾卒

石維嶽字五峯灤州人登萬歷庚戌進士筮中牟令以坦  
直拂相國謫河東鹽運司知事相國卒事乃白擢推官  
陞刑部主事歷郎中時魏璫焰烈奪戚畹李承恩園置  
之獄法司希魏意擬辟嶽抗言曰殺人媚人當何律卒  
以園歸李出守懷慶建告帝堂凡晝行事錄卷焚之韓

永平府志

卷之十六

列傳

三六

昌黎裔有在懷者式微訪得之復其業爲建祠置奉祀  
生旣而璫祠遍天下懷人以請嶽曰俟我去若輩自爲  
之以故璫敗懷獨無逆祠遷長沙副使岷王妃奏王被  
弑狀下兩臺訊嶽廉實逮撫按以下十九人崔呈秀爲  
魏璫義子嶽以妃事觸怒且羣小嫉之因媒孽戍薊州  
妃特疏昭雪嶽終不自明年七十餘卒崇祀鄉賢

郭鞏字德固號金谿遷安人登萬歷癸丑進士性剛介甘  
澹泊筮仕行人考選給事中凡封疆大事劾奸斥佞不  
避權貴侃侃直陳值魏璫用事告歸杜門謝客屢起太  
僕太常兵部左右侍郎凡七召俱以病固辭疏云臣之

病不在四肢而在腹心微詞規諷忠愛彌篤居鄉雍睦  
卽野老村夫莫不敬而懷之

劉廷宣字化卿號方壺晚號木菴山海衛人登萬歷癸丑  
進士丰神清穎廉直謹飭筮仕儀封勵學校恤鰥寡課  
農桑勸孝弟河汜滄治之獲名田幾萬畝民賴以蘇徵  
賦絕耗羨訟俱自拘不判贖設保甲法萑苻克靖革一  
切無名科派省民鏹不下巨萬擢浙江道御史強章不  
避中貴巡按陝西未復命轉爲大理丞假歸未半載尋  
因母老請終養以大理寺少卿歸甲戌六月病卒

白廷魁字復古號雪軒灤州人由明經任臨縣令出供具  
永平府志 卷之十六 列傳 三七  
學宮月再課士歲以爲常催科不擾訟獄者理而遣之  
不責贖緩時稅桑田助耕欵以不善俯仰中忌調簡遂  
拂衣歸以壽終

王調元字燮伯號和陽撫寧人少孤奉母王氏至孝年十  
七爲諸生嘗讀書僧舍雜鐘魚梵唄間二十年如一日  
萬歷戊午舉鄉薦謁臺使劉公臚母守節撫孤狀疏奏  
奉旌因母老仕嵩縣教諭倣胡安定教士法與諸生相  
切劘有勢家僕辱士元不畏強禦力培士氣陞臨朐令  
時流寇犯河南朝議以修城垣練鄉勇爲守令殿最胸  
城故版築地高無水屢閉鱗次附女墻而居者千餘家

令下之日元曰賊遠在二千里外先使吾民婦子露處  
失業是人心先自解也值憲司單騎來視高墉屹屹守  
禦之具纖悉畢備深歎其言爲是調知滕縣先是妖賊  
徐鴻儒之亂滕人死者無算又地鄰曹濮多椎埋探丸  
之盜元令嚴法治有犯必誅於是奸盜屏息境內肅然  
亡何以戇直罷歸家居三十年未嘗一履公庭故人在  
銓部招之不往又屬臺使起之堅以疾辭生平重然諾  
不以生死盛衰變易年八十有五卒少宰石公申儀部  
余公一元表誌其墓

馮運泰字六符灤州人斗華長子萬歷己未進士弱冠登

永平府志

卷之十六

列傳

三六

賢書聲譽藉甚事繼母以孝聞尤篤友愛令堂邑聊城  
以和靜豈弟爲治恤民造士兩邑爭尸祝之陞工部郎  
監修三殿綜覈勤密省帑金數萬兩敘功擢太僕卿假  
歸省視以違限奪官父子並祀鄉賢

陳三緯字泰華灤州人以明經除修武丞精毅廉潔弗染  
習汚遷鎮原令漢史高平第一壘也荒敞特甚撫恤瘡  
痍捐俸薪代完逋賦請告歸里解橐助城工行誼咸推  
長者崇祀鄉賢

之楷字百式灤州人天啟丁卯舉人夙負經濟有應變  
才知榮穎時值大盜號一條龍者糾衆圍城年餘百計

攻擊楷應有餘力乘夜晦出奇兵盡殲其醜敘功以卓  
異召對平臺擢御史奉命巡漕擒大蠹以清漕政鬚髮  
爲白劾逃帥懦撫論陳啟新以上書倖得給諫直聲震  
殿陛丁艱歸臺使屢薦不起卒祀鄉賢

張汝賢字景宣灤州人天啟丁卯舉人仕定陶令清廉愛  
民事至立斷時羣賊蜂起賢不動聲色密計招誘得通  
巢穴擒獲渠魁李之茂等四境肅清擢鞏昌郡丞值流  
寇攻城晝戰守奇策懋著軍功且賑飢掩骼惠政累累  
陞臨洮府知府遷莊浪道以勞瘁乞休歸里年七十二  
卒祀鄉賢

永平府志

卷之十六

列傳

三九

鄭卿字省吾灤州人由貢仕河南府通判清慎自持有懸  
魚酌水之風衙齋闃寂與名彥彈琴賦詩抗疏歸里力  
辭聘徵著省吾詩文集祀鄉賢

翟凌雲字崑瀛撫寧人由明經授肥城令不畏權勢除巨  
奸大蠹擢兗州府同知濬河有功省帑銀四十萬爲共  
事者所忌罷歸林下三十餘年闔門養重稱鄉望焉

龍呈圖昌黎人積學富文天姿和厚由明經任鄧州佐陞  
山東都司經歷廉靜有爲解組歸崇正庚午捐貲鼓衆  
登城守禦以功加四品服授中憲大夫

蕭奇棟號肇元撫寧人由恩貢任蒲令時流寇猖獗民不

聊生棟多方撫循悉備戰守之具百姓恃以安輯一  
戴之尋陞南陽府同知卒于官

王之葵撫寧人山明經任徐州州判智明膽決不肯阿徇  
當流寇之亂州牧自焚葵亦堅求自盡士民力救得免  
以徐水陸要衝憲司勉以代篆視事三載撫恤瘡痍安  
輯流離民得復業一時賴之

詹廷字忠卿號紹山尚書榮之孫由諸生補廕筮南通政  
幕以吏才著陞順天府別駕廉能有聲陞南比部主事  
遷本部郎中陞廣南太守時奢酋叛滇南一帶搖動廷  
赴任被圍賊脅降至再誓以全家殉賊揣廷志不奪稍  
縱閱月得乘間出遂達省備陳賊形及守禦之策捐俸  
以助軍需洎任二載多善政除蠹愛民寬猛兼濟奏最  
之日輿疾歸廣南士民建祠祀之